

Broj: 15-03-16-5-78-72/24

Datum: 3.1.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikacione dokumente, evidenciju i razmjenu podataka Bosne i Hercegovine donosi

## O D L U K U o izboru najpovoljnijeg ponuđača

### Član 1.

Najpovoljniji ponuđač u postupku javne nabavke **softvera za nadogradnju eLearning platforme**, objavljen na web Portalu javnih nabavki Bosne i Hercegovine, Obavještenje o nabavci, broj 1110-1-1-92-3-143/24 od 25.11.2024. godine, a koji je proveden otvorenim postupkom, je **ILIRYA TECH GROUP D.O.O. SARAJEVO**.

### Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

## O b r a z l o ž e n j e

Nakon provedenih aktivnosti, Komisija za provođenje postupka javne nabavke softvera za nadogradnju eLearning platforme (u daljem tekstu: Komisija) je konstatovala da su do roka za prijem ponuda, dana 16.12.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle tri (3) ponuda i to ponude ponuđača: ILIRYA TECH GROUP D.O.O. Sarajevo, OD „SMARTLAB“ vl. Kabaši Rizah Sarajevo i LANACO D.O.O. Banjaluka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-78-71/24 od 30.12.2024. godine, u kojem su detaljno obrazloženi razlozi za izbor najpovoljnijeg ponuđača.

Komisija je konstatovala da ponuda OD „SMARTLAB“ vl. Kabaši Rizah Sarajevo ne ispunjava uslove iz člana 48. Zakona, odnosno da ponuđač u ponudi nije dostavio dokaz u skladu sa tačkom 6.5.1. (a) Tenderske dokumentacije. Naime, ponuđač je kao dokaz tražen tačkom 6.5.1. (a) Tenderske dokumentacije dostavio potpisan od strane ponuđača Aneksa 1 - Tehnička specifikacija ove tenderske dokumentacije, a što nije traženo Tenderskom

dokumentacijom. Shodno navedenom, Komisija je ponudu ocijenjena kao neprihvatljivu jer ista ne ispunjava zahtjeve iz Tenderske dokumentacije, zbog čega se odbacuje u skladu sa članom 68. stav (4) tačka i) Zakona.

Prilikom analize zatražena su pojašnjenja od ponuđača ILIRYA TECH GROUP D.O.O. SARAJEVO i LANACO D.O.O. BANJA LUKA, dana 17.12.2024. godine, koji su svoje odgovore dostavili dana 18.12.2024. godine, odnosno 19.12.2024. godine. Zahtjevi za pojašnjenje i odgovori ponuđača su sastavni dio Zapisnika o pregledu i ocjeni ponuda.

Komisija je zapisnički, nakon zaprimljenih pojašnjenja, konstatovala da dostavljene ponude ILIRYA TECH GROUP D.O.O. Sarajevo i LANACO D.O.O. Banjaluka ispunjavaju zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su ponuđači kvalifikovani, te da su njihove ponude pravilne i prihvatljive, s obzirom da su dokumenti dostavljeni kako je traženo Tenderskom dokumentacijom.

Analizom ponuda, u postupku sa kriterijumom najniža cijena, a poslije okončane e-aukcije Komisija je zaključila da ponuda ponuđača **ILIRYA TECH GROUP D.O.O. SARAJEVO** sa ukupnom cijenom **bez PDV-a u iznosu od 57.000,00 KM bez PDV-a, odnosno 66.690,00 KM sa PDV-om** u ekonomskom i tehničkom smislu u potpunosti zadovoljava zahtjeve ugovornog organa te je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Prof. dr. Amir Badžević

дигитално потписано / digitalno potpisano / digitally signed  
Sgratby: Amir Badžević